

ორჯერ დაიწყო ცენტრიდან თამაში

ბაქო. ცენტრალური სტადიონი. ? ივლისი.

“ნეტუიანიკი” (ბაქო) - “დინამო” (თბილისი) 1:1 (1:1).

“ნეტუიანიკი”: კოსენკოვი, ბაბაევი, მორგუნოვი, ჭანჭალეიშვილი, ტროფიმოვი, ალესკეროვი, ?იევი, გრიაზევი (მელკუმოვი), კუზნეცოვი, მარქაროვი, ეინულაევი.

“დინამო”: კოტრიკაძე, ბ. სიჭინავა, ხურცილავა, ჩოხელი, ხოჭოლავა, ზინკლიშვილი, გ. სიჭინავა, დათუნაშვილი, კალოევი, ბარქაია, მესხი.

მსაჯი ა. ალიმოვი (მოსკოვი).

აღნიშნულ მატჩში, 90 წუთის მანძილზე სულ ოთხჯერ თუ ხუთჯერ შეიქმნა გოლის გატანის რეალური შანსი და ამ შესაძლებლობებიდან მონიშნულმდეგეებმა მხოლოდ თითო მომენტი გამოიყენეს. წარმატებას თავდაპირველად დინამოელებმა მიაღწიეს. მეოთხე წუთზე მესხმა და კალოევმა მარცხენა ფლანგზე ზუსტად გაითამაშეს კომბინაცია, რომლის უკანასკნელ ფაზაში დინამოელთა გარემარბი თავის მცველ ბაბაევივით ოთხიოდე მეტრით წინ აღმოჩნდა. მან ზუსტად გაგზავნა ბურთი ბაქოელთა კარის ბაღეში და მასპინძლებმა თამაში ცენტრიდან დაიწყეს.

18 წუთის შემდეგ კი “ნეტუიანიკმა” შეძლო ამ ერთადერთი ბურთის გაქვითვა. როგორ გაიტანეს მათ ეს გოლი? ბაქოელთა ერთერთი შეტევის დროს ჩვენს საჯარო მოედანზე მოხდა მოთამაშეთა დიდი თავმოყრა. ეინულაევის პირველი დარტყმა თბილისელთა მცველებმა ბრმად მოიგერიეს. ამის შემდეგ “ნეტუიანიკის” თავდამსხმელებმა კიდევ ოთხჯერ დაარტყეს თბილისელთა კარისაკენ. ბურთი ხან დინამოელთა მცველებს ხვდებოდა, ხან კი “ნეტუიანიკის” თავდამსხმელებს, მაგრამ თბილისელებმა ვერასგზობ ვერ მოახერხეს სახიფათო მომენტის განმუხტვა. ბოლოს ამ ენით აუწერელ არევა-დარევაში ბურთი მიუგორდა მარქაროვს, რომელმაც ზუსტი დარტყმით 2 მეტრის მანძილიდან იგი თბილისელთა კარში გაგზავნა. მოთამაშეთა სიმრავლით ხელფეხშეკრულმა კოტრიკაძემ მხოლოდ თვალი გააყოლა ბურთს.

შეხვედრის პირველ ნახევარში “ნეტუიანიკს” კიდევ ორჯერ ჰქონდა ანგარიშის გაზრდის საშუალება, მაგრამ კოტრიკაძემ თავგანწირული ნახტომით ორჯერვე მინიმუმამდე დაიყვანა ეს შანსი. ტაიმის დასასრულს ბაქოელთა კარი ორჯერ აღმოჩნდა საფრთხეში, მაგრამ ორივეჯერ ჩვენმა თავდამსხმელებმა დიდი მანძილით ააცილეს ბურთი მიზანს.

ჩვენ შეგნებულად ვჩერდებით ასე დეტალურად მატჩის პირველ ნახევარზე, რადგან მეორე ფაქტიურად ყოველმხრივ დაზღვეული იყო სახიფათო მომენტებით, საინტერესო და ლამაზი ბრძოლით. თამაშის ბედი სწორედ პირველ ნახევარში გადაწყდა და მეორეში გუნდებს “საერთოდ შეეძლოთ არ გამოსულიყვნენ მოედანზე”.

თბილისის “დინამომ” უკანასკნელ შეხვედრებში ახალი ტაქტიკური სქემის წყალობით საგრძობლად გააძლიერა დაცვის ხაზი. თუ მხედველობაში არ მივიღებთ 22-ე წუთზე დაშვებულ შეცდომას (რაც გუნდს ქულის ფასი დაუჯდა), “დინამოს” დაცვა მოქმედებდა მტკიცედ და გადამწყვეტად. მაგრამ მოთამაშეთა სიმრავლემ დაცვაში საგრძობლად შეასუსტა თავდასხმის ბრძოლისუნარიანობა. ნახევარმცველები დიდ დროს ანდომებდნენ დაცვითი ფუნქციების შესრულებას და ამიტომ სავსებით დაიკარგა კონტროლი მოედნის შუაგულში.

“ნეტუიანიკი” თავის შეტევებს ძირითადად ფლანგურ გარღვევებზე აგებდა, სადაც განსაკუთრებით გამოირჩეოდა ტემპერამენტიანი და ტექნიკური ტუაევი, სწორედ იგი თავისი ცენტრალური თავდამსხმელის კუზნეცოვის აქტიური მხარდაჭერით წარმართავდა ბაქოელთა მთელ შეტევებს. მაგრამ “დინამოს” დაცვა პირველსავე საფეხურზე ნთქავდა ამ შეტევებს. და თუ მასპინძლები მაინც ახერხებდნენ საჯარო მოედანში შეღწევას, ისინი “დინამოს” მეორე ეშელონის ზღუდეს აწყდებოდნენ. ასე დამთავრდა შეხვედრის პირველი ნახევარი.

მეორე ტაიმის პირველ წუთებზე ერთგვარი უპირატესობა მასპინძლების მხარეს იყო, მაგრამ მათ შეტევებს აღარ ჰქონდა აღრინდელი სიმძაფრე. შემდეგ, რამდენიმე წუთით დინამოელები გააქტიურდნენ. ჩოხელმა მეტად ღრმა რეიდიც კი განახორციელა

მონინალმდევის კარისაკენ, მაგრამ ეს რეიდი, ისევე როგორც სტუმრების ენთუზიაზმი, ერთბაშად ჩაქრა და თამაშმა მიიღო უინტერესო სახე. “ნეფტიანის” სავსებით აწყობდა ფრე - 1:1, ამიტომ მასპინძლებმა ყოველი შემთხვევისათვის დახიეს უკან ერთ-ერთი შუამარბი (მესხის სამეთვალყუროდ) და მოედანზე დაიწყო “პოზიციური” ბრძოლა ცენტრალური ზონის ფარგლებში.

მსაჯის საფინალო სასტვენამდე აღარაფერი საინტერესო არ მომხდარა. მონინალმდევეებმა თითო-თითო ქულა ჩაინერეს აქტივში და მშვიდად დასცილდნენ ერთმანეთს.

**ნ. გუგუშვილი, ბაქო, ჩვენი სპეც. კორ.
“ლელო”, 17 ივლისი, 1962 წ.**